

**KANTONALNO JAVNO KOMUNALNO PREDUZEĆE "RAD" D.O.O.
SARAJEVO
- SKUPŠTINA PREDUZEĆA -**

**Broj: 01SP-5012/22.
Sarajevo, 31.03.2022. godine**

Na osnovu člana 234. a u vezi sa članom 303. stav (1) Zakona o privrednim društvima ("Službene novine Federacije BiH", broj: 81/15 i 75/21) i člana 84. stav (2) Statuta KJKP "RAD" d.o.o. Sarajevo, broj: 14520/17 od 25.07.2017. godine, Odluke o dopuni Statuta KJKP "RAD" d.o.o. Sarajevo, broj: 01SP-17064/18 od 28.09.2018. godine, Odluke o dopuni Statuta KJKP "RAD" d.o.o. Sarajevo, broj: 01SP-18108/19 od 26.09.2019. godine, Odluke o izmjeni Statuta KJKP "RAD" d.o.o. Sarajevo, broj: 01SP-14163/20 od 25.08.2020. godine i Punomoći Vlade Kantona Sarajevo, broj: 02-04-23511-20-1/21 od 10.06.2021. godine i Obavezujuće upute Vlade Kantona Sarajevo, br. 02-04-11978-54.1/22 od 24.03.2022. godine, Skupština Preduzeća, na prijedlog Nadzornog odbora, na sjednici održanoj dana 31.03.2022. godine, donijela je

ODLUKU

o izmjeni i dopuni Statuta KJKP "RAD" d.o.o. Sarajevo

I

U Statutu KJKP "RAD" d.o.o. Sarajevo, broj: 14520/17 od 25.07.2017. godine, Odluci o dopuni Statuta KJKP "RAD" d.o.o. Sarajevo, broj: 01SP-17064/18 od 28.09.2018. godine, Odluci o dopuni Statuta KJKP "RAD" d.o.o. Sarajevo, broj: 01SP-18108/19 od 26.09.2019. godine i Odluci o izmjeni Statuta KJKP "RAD" d.o.o. Sarajevo, broj: 01SP-14163/20 od 25.08.2020. godine u članu 22. stav (2) mijenja se i glasi:

"(2) U Preduzeću su organizovane organizacione jedinice i to:

- a) Pogon javna higijena i održavanje javnih saobraćajnica
- b) Sektor za ekonomske, pravne i opšte poslove"

U članu 32. riječi: " najmanje 180 ECTS bodova" zamjenjuju se riječima: "240 ECTS bodova" i riječi: "radnog staža u struci" zamjenjuju se riječima: "radnog iskustva u struci" .

Član 42. se mijenja i glasi:

**"Član 42.
(Uprava)**

Upravu čine direktor Preduzeća i dva izvršna direktora i to:

- a) Izvršni direktor za poslove javne higijene i održavanje javnih saobraćajnica
- b) Izvršni direktor za ekonomske i pravne poslove"

U članu 50. stav (1) tačka b) riječi: "radnog staža u struci" zamjenjuju se riječima: "radnog iskustva u struci".

Član 51. mijenja se i glasi:

**“Član 51.
(Uslovi za imenovanje izvršnog direktora)**

- (1) Pored opštih uslova propisanih zakonom, za izvršnog direktora može biti imenovano lice koje ispunjava sljedeće uslove:
 - a) za izvršnog direktora za ekonomske i pravne poslove da ima VSS - VII stepen stručne spreme, odnosno visoko obrazovanje prvog ciklusa (koje se vrednuje sa 240 ECTS bodova), ili drugog ili trećeg ciklusa Bolonjskog sistema studiranja, Ekonomski fakultet ili Pravni fakultet;
 - b) za izvršnog direktora za poslove javne higijene i održavanja javnih saobraćajnica da ima VSS - VII stepen stručne spreme, odnosno visoko obrazovanje prvog ciklusa (koje se vrednuje sa 240 ECTS bodova), ili drugog ili trećeg ciklusa Bolonjskog sistema studiranja, fakultet tehničkog smjera ili društvenog smjera;
- (2) Izvršni direktor mora imati najmanje pet godina radnog iskustva u struci, od čega najmanje tri godine na rukovodnim poslovima, nakon sticanja univerzitetske diplome, odnosno visokog obrazovanja;
- (3) Izvršni direktor mora imati iskustvo i stručnost u oblastima od značaja za rad i poslovanje Preduzeća.
- (4) Drugi posebni uslovi potrebni za obavljanje funkcije izvršnog direktora određuju se općim aktom Preduzeća, koji usvaja Nadzorni odbor.“

Iza člana 58. dodaju se članovi 58a, 58b, 58c. i 58d. koji glase:

**“Član 58a.
(Sekretar Preduzeća)**

- (1) Preduzeće ima sekretara kojeg imenuje i razrješava Nadzorni odbor iz reda radnika Preduzeća, na osnovu liste radnika koji ispunjavaju uslove za imenovanje na poziciju sekretara, koju Nadzornom odboru dostavlja direktor.
- (2) Ukoliko nijedan radnik u Preduzeću ne ispunjava uslove za imenovanje na poziciju sekretara, pokrenuće se procedura za raspisivanje javnog oglasa za prijem radnika na poziciju sekretara.
- (3) Za sekretara Preduzeća može biti imenovano lice koje, pored opštih uslova propisanih zakonom, mora ispunjavati sljedeće uslove: VSS-VII stepen stručne spreme odnosno visoko obrazovanje prvog ciklusa (koje se vrijednuje sa 240 ECTS bodova) ili drugog ili trećeg ciklusa Bolonjskog studiranja, Pravni fakultet, najmanje tri godine radnog iskustva nakon sticanja univerzitetske diplome, odnosno visokog obrazovanja.
- (4) Međusobni odnosi u obavljanju poslova, prava, obaveze, odgovornosti u izvršavanju propisanih obaveza i druga pitanja uređuju se ovim Statutom, Pravilnikom o radu i ugovorom o radu koji, uz prethodno odobrenje Nadzornog odbora, sa sekretarom Preduzeća zaključuje direktor, u ime i za račun Preduzeća.

**Član 58b.
(Dužnosti sekretara Preduzeća)**

- (1) Sekretar Preduzeća je odgovoran za pravnu i stručnu pripremu, podršku i praćenje u organizaciji i zakonito provođenje postupaka sazivanja, održavanja i odlučivanja Skupštine, Nadzornog odbora i Uprave Preduzeća.
- (2) Sekretar Preduzeća obavezan je prisustvovati sjednicama Skupštine, Nadzornog odbora i Uprave Preduzeća.

- (3) Sekretar Preduzeća, na zahtjev sazivača sjednice Skupštine, Nadzornog odbora i Uprave Preduzeća priprema i dostavlja poziv za sjednicu i materijale za sjednicu i obavlja sve druge radnje neophodne za održavanje sjednica Skupštine Preduzeća, Nadzornog odbora i Uprave Preduzeća.
- (4) Sekretar Preduzeća dužan je osigurati da se zapisnik sa održane sjednice Skupštine Preduzeća sačini u roku od 15 dana od dana održavanja Skupštine Preduzeća, koji potpisuje punomoćnik Vlade Kantona Sarajevo, odnosno predsjednik Skupštine i sekretar Preduzeća, kao zapisničar.
- (5) Sekretar Preduzeća dužan je osigurati da se zapisnik sa održane sjednice Nadzornog odbora Preduzeća sačini u roku od 15 dana od dana održavanja sjednice, koji potpisuju predsjednik i sekretar Preduzeća, kao zapisničar.
- (6) Sekretar Preduzeća je dužan u roku od tri dana od dana održavanja sjednice Skupštine Preduzeća izvijestiti Vladu Kantona Sarajevo putem resornog ministarstva o donesenim odlukama.

Član 58c.

(Odgovornosti i ovlaštenja sekretara Preduzeća)

Sekretar Preduzeća je odgovoran i ovlašten za:

- a) vođenje zapisnika Skupštine, Nadzornog odbora i Uprave, sa dokumentima koji su u vezi sa dnevnim redom sjednica Skupštine, Nadzornog odbora i Uprave;
- b) čuvanje drugih dokumenata, izuzev finansijskih izvještaja;
- c) pripremu sjednica, sačinjavanje i distribuciju ovlaštenim osobama zapisnika i odluka Skupštine, Nadzornog odbora i Uprave Preduzeća;
- d) provođenje odluka Skupštine, Nadzornog odbora i Uprave Preduzeća;
- e) ovlašten je i za druge poslove utvrđene općim aktima Preduzeća.

Član 58d.

(Razrješenje sekretara Preduzeća)

Sekretar Preduzeća može biti razriješen u sljedećim slučajevima:

- a) neispunjavanje odgovornosti u skladu sa važećim zakonima
- b) na pisani zahtjev sekretara Preduzeća
- c) u slučaju da nije u mogućnosti ili ne vrši funkciju sekretara Preduzeća duže od 90 dana
- d) izvršenja krivičnog ili drugog protivpravnog djela kojim se uzrokuje materijalna šteta po Preduzeće
- e) u drugim slučajevima predviđenim relevantnim pozitivnim propisima i ovim Statutom."

U članu 63. stav (3) tačka b) riječi: "radnog staža u struci" zamjenjuju se riječima: "radnog iskustva u struci".

U članu 67. u tački b) riječi: "radnog staža u struci" zamjenjuju se riječima: "radnog iskustva u struci".

U istom članu iza tačke b) dodaje se tačka c) koja glasi:

"c) da posjeduje sertifikat ovlaštenog revizora i/ili internog revizora. "

II

Ostale odredbe Statuta KJKP "RAD" d.o.o. Sarajevo ostaju neizmijenjene.

III

Ova Odluka stupa na snagu danom donošenja.

IV

Nadzorni odbor će u skladu sa odredbama ove odluke uskladiti Pravilnik o radu Preduzeća u roku od 30 dana od dana stupanja na snagu istog.

Svi opći akti Preduzeća će se uskladiti sa odredbama ove odluke u roku od 3 mjeseca od dana stupanja na snagu iste.

Skupština Preduzeća –
punomoćnik Vlade Kantona Sarajevo



Adelina
Adelina Džanković, dipl. pravnik

Dostaviti:

- Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo
- Nadzorni odbor Preduzeća
- Uprava Preduzeća
- Sektor ekonomsko-pravnih poslova
- Notar
- Evidencija
- a/a